



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 363. stav 1. Zakona o stvarnim pravima Federacije BiH ("Službene novine Federacije BiH", broj: 66/13 i 100/13), člana 13. stav 2. tačka 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 3. i 5. Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine Federacije BiH, broj: 17/14), člana 8. Odluke o građevinskom zemljištu („Službeni glasnik Općine Breza“, broj: 6/17 i 1/19) i člana 19. tačka 7. i člana 101. stav 3. Statuta Općine Breza – Prečišćeni tekst ("Službeni glasnik Općine Breza", broj: 8/09), Općinsko vijeće Breza na sjednici održanoj dana 31.07.2019. godine, d o n o s i

ODLUKU

o uvjetima, načinu i postupku prodaje neizgrađenog građevinskog zemljišta u vlasništvu Općine Breza, putem javnog nadmetanja – licitacije, radi izgradnje poslovnog objekta

Član 1.

Odobrava se prodaja neizgrađenog građevinskog zemljišta (u daljem tekstu nekretnina) u vlasništvu Općine Breza, radi izgradnje poslovnog objekta, koja se nalazi u Brezi, naselje Potkraj, a koja je označena kao:

- k.č. broj: 1878/3, zv. „Skladovi; Ostalo neplodno zemljište“, u površini od 309 m², upisana u Zemljišnoknjižni uložak broj: 2282 k.o. Mahala, vlasništvo Općine Breza sa dijelom 1/1, upisana i u Posjedovni list broj: 290 k.o. Mahala, posjednik Općina Breza sa dijelom 1/1,

Član 2.

Nekretnina iz člana 1. ove Odluke, prodaje se u svrhu izgradnje poslovnog objekta, koji će se graditi prema osnovnim urbanističko – tehničkim uslovima, koji su utvrđeni rješenjem Službe za prostorno uređenje, zaštitu okolice, geodetske i imovinsko-pravne poslove Općine Breza, o načelnoj urbanističkoj saglasnosti broj: 04/1-4-23-1499/18 od 21.05.2019. godine i to:

- Namjena:
dozvoljena: poslovni objekat – objekat u službi saobraćaja, servisi i ugostiteljstvo
zabranjena: koja ugrožava životnu sredinu
- Karakter: stalni
- Tip: slobodnostojeći
- Gabarit objekta: maksimalno 8,00 m x 10,00 m
- Spratnost: planirana spratnost P+1;
Maksimalna spratnost: jednaka planiranoj P+1
- Maksimalna visina objekta: do maks. + 10,00 m

- Saobraćaj: prema Regulacionom planu (kolski i pješački prilaz sa juga sa lokalne gradske ceste, uz saglasnost nadležnog organa, kolski izlaz sa parcele je na regionalnu cestu, uz saglasnost nadležnog organa)

Član 3.

Prodaja nekretnine iz člana 1. ove Odluke, vršit će se na osnovu javnog nadmetanja – licitacije.

Daje se ovlaštenje Općinskom načelniku da objavi Javni oglas o prodaji nekretnine putem javnog nadmetanja - licitacije, u svrhu izgradnje poslovnog objekta.

Javni oglas o prodaji nekretnine putem javnog nadmetanja – licitacije, objavit će se u jednim dnevnim novinama, koje se distribuiraju na području Federacije BiH, na web stranici Općine Breza i na oglasnoj ploči Općine Breza.

Javni oglas mora biti objavljen najmanje 15 (petnaest) dana prije dana određenog za dan licitacije.

Član 4.

Početna prodajna cijena po kojoj će se vršiti javno nadmetanje–licitacija za prodaju nekretnine iz člana 1. ove Odluke, utvrđena je na osnovu Nalaza - Procjena vrijednosti neizgrađenog građevinskog zemljišta, urađenog od strane stalnog sudskog vještaka arhitektonske struke Ejuba Salkića dipl. ing. arh, od 15.02.2019.godine i iznosi **72,20 KM po 1 m². što za 309 m² iznosi 22.312,80 KM.**

Član 5.

Javno nadmetanje – licitaciju provest će Komisija za sprovođenje javnog nadmetanja – licitacije, koju će imenovati rješenjem Općinski načelnik.

Komisiju će sačinjavati predsjednik i dva člana, koji imaju zamjenike.

Član 6.

Za učestvovanje u postupku javnog nadmetanja – licitacije, zainteresovana lica dužna su na račun Općine Breza, položiti kaparu u iznosu od 10% od početne prodajne cijene nekretnine, što iznosi 2.231,28 KM.

Član 7.

Mjesto i vrijeme održavanja javnog nadmetanja – licitacije, način prijave, dokumentacija koja je potrebna za sudjelovanje u postupku licitacije, razgledanje nekretnine, dokumentacija i drugi podaci za provođenje javnog nadmetanja – licitacije, odredit će se Javnim oglasom.

Član 8.

Daje se ovlaštenje Općinskom načelniku da po okončanju postupka licitacije sa najpovoljnijim ponuđačem zaključi kupoprodajni ugovor, koji će biti u formi notarski obrađene isprave i kojim će se regulisati međusobna prava i obaveze ugovornih strana.

Kupoprodajni ugovor Općinski načelnik će zaključiti sa najpovoljnijim ponuđačem, nakon pribavljenog mišljenja Općinskog pravobranilaštva Breza.

Najpovoljniji ponuđač dužan je kupoprodajnu cijenu, umanjenu za iznos kapare, uplatiti na račun Općine Breza, prije zaključenja kupoprodajnog ugovora u roku od 15 dana od dana okončanog postupka javnog nadmetanja - licitacije.

Ugovor o kupoprodaji ima se potpisati u roku od 30 dana od okončanja postupka licitacije.

Ukoliko najpovoljniji ponuđač ne izvrši plaćanje u roku iz stava 3. ovog člana smatrat će se da je odustao od kupovine nekretnine, te gubi pravo na povrat kapare.

Član 9.

Nakon kompletno okončanog postupka prodaje nekretnine iz člana 1. ove Odluke, Općinski načelnik obavezan je pisanom informacijom, upoznati Općinsko vijeće o rezultatu Javnog oglasa o prodaji nekretnine.

Član 10.

Ova Odluka stupa na snagu danom objavljivanja u "Službenom glasniku Općine Breza".

Broj: 01/1-02-1856/19
Breza, 31.07.2019. godine

PREDSJEDAVAJUĆI
Općinskog vijeća
Memsud Kadrić, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 2.12. Izbornog Zakona BiH ("Službeni glasnik BiH", broj: 23/01, 7/02, 9/02, 20/02, 25/02, 04/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 07/14, 31/16), te člana 19. tačka 25. Statuta Općine Breza ("Službeni glasnik Općine Breza", broj 8/09 – Prečišćeni tekst) i člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini ("Službeni glasnik BiH", broj: 29/18 i 36/19) Općinsko vijeće Breza, na sjednici održanoj 31.07.2019. godine, donosi

O D L U K U**o raspisivanju ponovnog Javnog oglasa za imenovanje člana
Općinske izborne komisije Breza****Član 1.**

Raspisuje se Javni oglas za imenovanje člana Općinske izborne komisije Breza.

Član 2.

Javni oglas, iz predhodnog člana, objaviti najmanje u jednom dnevnom listu koji izlazi na području Bosne i Hercegovine i na web stranici Općine Breza.

Član 3.

Postupak Javnog oglasa provest će Komisija za provođenje postupka po Javnom oglasu u skladu sa odredbama Izbornog Zakona BiH i Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

Član 4.

Komisija će najkasnije u roku od 15 dana od dana zaključenja Javnog oglasa utvrditi listu kandidata za člana Općinske izborne komisije i istu dostaviti Općinskom vijeću Breza.

Član 5.

Sastavni dio ove Odluke je Javni oglas koji će se objaviti u dnevnom listu iz člana 2. ove Odluke.

Član 6.

Odluka stupa na snagu danom objavljivanja u "Službenom glasniku Općine Breza".

Broj: 01/1-02-1879/19
Breza, 31.07.2019. godine

PREDSJEDAVAJUĆI
Općinskog vijeća
Kadrić Memsud, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 2.12. Izbornog Zakona BiH ("Službeni glasnik BiH", broj : 23/01, 7/02, 9/02, 20/02, 25/02, 04/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 07/14 i 31/16), te člana 19. tačka 25. Statuta Općine Breza ("Službeni glasnik Općine Breza", broj 8/09 – Prečišćeni tekst) i člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini ("Službeni glasnik BiH", broj: 29/18 i 36/19), Općinsko vijeće Breza objavljuje

JAVNI OGLAS
za imenovanje člana Općinske izborne komisije Breza

I

Objavljuje se javni oglas za imenovanje člana Općinske izborne komisije Breza. Člana Općinske izborne komisije Breza imenuje Općinsko vijeće Breza, uz saglasnost Centralne izborne komisije Bosne i Hercegovine na period od 7 (sedam) godina. U skladu sa Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini ("Službeni glasnik BiH", broj: broj: 29/18 i 36/19), osoba koja je kandidat za člana Općinske izborne komisije Breza treba ispunjavati sljedeće opće uvjete:

1. da je osoba sa pravom glasa;
2. da je osoba sa odgovarajućom stručnom spremom.

II

- (1)** Pored općih uvjeta iz prethodne tačke ovog javnog oglasa, osoba koja je kandidat za člana Općinske izborne komisije Breza mora ispunjavati i sljedeće posebne uvjete:
1. da ima prebivalište na području Općine Breza;
 2. da ima završen fakultet, VII/I stepen stručne spreme ili završen fakultet Bolonjskog sistema studiranja sa najmanje 180 ECTS i
 3. Da posjeduje iskustvo u provođenju izbora.

(2) Pod iskustvom u provođenju izbora podrazumjeva se:

1. članstvo u izbornoj komisiji i

2. članstvo u biračkom odoboru na izborima obuhvaćenim Izbornim zakonom Bosne i Hercegovine

(3) Izuzetno od odredbi tačke II stava (1) alineja 3. Član izborne komisije može biti osoba koja ima VII/I stepen stručne spreme, završen pravni fakultet, odnosno završen pravni fakultet bolonjskog Sistema studiranja sa najmanje 180 ECTS, bez izbornog iskustva navedenog u tački II stav (2)

(4) Izuzetno od odredbi tačke II stava (1) alineja 2., član izborne komisije može biti osoba koja ima završenu višu školu odnosno VI stepen stručne spreme, ukoliko je potrebno ispoštovati odredbe člana 2.14. stav (1) Izbornog zakona Bosne i Hercegovine ili ukoliko nema kandidata koji ispunjavaju uslove iz člana 2. stav (1) tačka b) Uputstva.

III

(1) Sastav Općinske izborne komisije mora biti multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou.

(2) U sastavu Općinske izborne komisije, nastojat će se obezbjediti ravnopravna zastupljenost spolova u skladu sa Zakonom o ravnopravnosti spolova u Bosni i Hercegovini.

IV

U skladu sa članom 2.3 Izbornog zakona Bosne i Hercegovine, za člana Općinske izborne komisije ne može biti imenovana osoba:

- koja se ne može kandidovati u smislu odredbi člana 1.6, 1.7, 1.7a Poglavlje I Izbornog zakona Bosne i Hercegovine;
- koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
- koja je nosilac izabranog mandatarata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona Bosne i Hercegovine;
- koja je kandidat za izbore za bilo koji nivo vlasti u Bosni i Hercegovini;
- kojoj je izrečena kazna za težu povredu Izbornog zakona Bosne i Hercegovine ili propisa za koji je lično odgovorna, u posljednje četiri godine računajući od dana pravosnažnosti Odluke.

V

Član Općinske izborne komisije ne može biti zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže (član 2.12 stav (7) Izbornog zakona Bosne i Hercegovine)

VI

Uz prijavu na javni oglas potrebno je dostaviti sljedeću dokumentaciju:

1- kraću biografiju;

2- diploma o završenom stepenu i vrsti stručne spreme;

- 3- dokaz o posjedovanju iskustva kandidata u provođenju izbora (potvrda općinske izborne komisije o radu na biračkom mjestu, rješenje o imenovanju u općinsku izbornu komisiju ili birački odbor ili neki drugi dokaz koji može potvrditi da kandidat ima iskustva u provođenju izbora);
- 4- ovjerena fotokopija lične karte;
- 5- uvjerenje o prebivalištu izdato od CIPS-a, ne starije od tri mjeseca;
- 6- svojeručno potpisano i od nadležnog organa ovjerenu izjavu o nacionalnom izjašenjenju kandidata sa posljednjeg popisa stanovništva u Bosni i Hercegovini;
- 7- svojeručno potpisano i od nadležnog organa ovjerenu izjavu o nepostojanju smetnji iz tačke IV ovog javnog oglasa (član 2.3 Izbornog zakona Bosne i Hercegovine)
- 8- svojeručno potpisano i od nadležnog organa ovjerenu izjavu o nepostojanju smetnji iz tačke V ovog javnog oglasa (član 2.12 stav (7) Izbornog zakona Bosne i Hercegovine), odnosno da osoba koja je kandidat za člana Općinske izborne komisije nije zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže.
- 9- popunjen Uputnik o podacima kandidata-imenovanog člana izborne komisije

VII

Dokumenti koji se dostavljaju kao dokaz o ispunjavanju uslova oglasa moraju biti originali ili ovjerene kopije.

Javni oglas će se objaviti u dnevnim novinama „Oslobođenje“, na web stranici Općine Breza <http://www.breza.gov.ba/> i na oglasnoj ploči općine.

Obrazac izjave iz tačke VI pod rednim brojem 6,7 i 8. i Uputnik pod rednim brojem 9. kandidati mogu preuzeti u prijemnoj kancelariji Općine Breza.

Rok za podnošenje prijave je 8 dana od dana objave u dnevnim novinama „Oslobođenje“, na web stranici općine Breza <http://www.breza.gov.ba/> kao i na oglasnoj ploči općine.

Prijave sa potrebnom dokumentacijom treba dostaviti lično ili preporučenom poštom na adresu:

OPĆINA BREZA – Komisija za provođenje postupka po javnom oglasu, Ul. Bogumilska br. 1, 71370 Breza, sa naznakom „Javni oglas za imenovanje člana Općinske izborne komisije - NE OTVARATI

Po zatvaranju javnog oglasa, Komisija će izvršiti klasifikaciju kandidata na one koje ispunjavaju uslove javnog oglasa i na one koji ne ispunjavaju uslove.

Sa kandidatima koji ispunjavaju uslove javnog oglasa, Komisija će obaviti intervju nakon čega će sačiniti rang listu sa redoslijedom kandidata, prema uspjehu postignutom na intervjuu i istu dostaviti Općinskom vijeću.

Neblagovremene i nepotpune prijave neće se uzimati u razmatranje.

PREDSJEDAVAJUĆI
Općinskog vijeća
Kadrić Memsud, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13.stav 2. alineja 4. Zakona o principima lokalne samouprave ("Službene novine FBiH", broj 49/2006, 51/2009), i člana 115.stav 2. Statua Općine Breza ("Službeni glasnik Općine Breza", broj 8/09 - Prečišćeni tekst), Općinsko vijeće Breza na sjednici održanoj dana 31.07.2019. godine, d o n o s i,

O D L U K U

o naknadama za zauzimanje javne površine u toku trajanja privredne i kulturno-sportske manifestacije - "Bazenijada 2019"

I

Ovom odlukom utvrđuje se iznos naknade za zauzimanje javne površine i zelenih površina (u daljem tekstu: javne površine) radi obavljanja djelatnosti, pružanja usluga i prezentacija proizvoda na privredno-sportskoj, kulturno-zabavnoj manifestaciji pod nazivom "Bazenijada 2019", koja će se održati u periodu od 16.08.2019. do 24.08.2019. godine, na lokaciji u ulici "Alije Izetbegovića".

II

Naknade se utvrđuju u iznosima kako slijedi:

1. Za zauzimanje javne površine (trotoara u ulici Alije Izetbegovića) s desne strane u pravcu Vareša, od skretanja u Kino do ulaza u privatnu apoteku "MGM", korisnici plaćaju 16,00 KM po 1 dužnom metru dnevno, od ulaza u privatnu apoteku "MGM" do prvog skretanja na Bazen 13,00 KM po 1 dužnom metru dnevno, a od prvog skretanja na Bazen do skretanja za Dom zdravlja Breza 11,00 KM dnevno po 1 dužnom metru.

Ovaj prostor je namijenjen za trgovinu tekstilnom robom, obućom, posuđem i priborom.

Lijeva strana ove ulice (trotoar) u pravcu Vareša do prvog skretanja u Trokuće, korisnici plaćaju 13,00 KM po 1 dužnom metru dnevno, a 11,00 KM dnevno po 1 dužnom metru od prvog skretanja za Trokuće do skvera iza zgrade tzv "Albanija".

Ovaj prostor je namijenjen za pružanje ugostiteljskih i trgovačkih usluga.

Prednost kod zauzimanja javnih površina imaju vlasnici, odnosno korisnici poslovnih i stambenih objekata na određenom lokalitetu.

2. Za zauzimanje javnih površina:

- za ugostitelje 10,00 KM dnevno po 1 m²,

3. Za zauzimanje javne površine za vršenje usluga pečenja i prodaje mesa 80,00 KM dnevno do 4 m² površine.

4. Za zauzimanje javne površine na lokaciji od "Ekmasana" do Taxi stajališta korisnici plaćaju 13,00 KM po 1 dužnom metru dnevno.

5. Za zauzimanje javne površine na lokaciji od skretanja u Kino do buregdžinice korisnici plaćaju 12,00 KM po 1 dužnom metru dnevno.

6. Za postavljanje ringišpila na platou pijace 230,00 KM dnevno, a za mali ringišpil 60,00 KM dnevno.
7. Za postavljanje ringišpila na ostalim lokacijama 100,00 KM dnevno.
8. Za postavljanje autodroma, balerina, vozića i sličnih zabavnih sadržaja do 20 m² površine korisnici plaćaju iznos od 65,00 KM dnevno.
9. Za korištenje javne površine-staza u parkovima i drugim lokacijama za autiće na akumulatore korisnik plaća iznos od 65,00 KM dnevno.
10. Za zauzimanje javne površine za vršenje ugostiteljskih usluga bez stolova kao što su prodaja čevapa, prodaja kokica, pomfrita, kuhanih i pečenih kukuruza, šećerne vate, sladoleda I sl. korisnici plaćaju iznos od 13,00 KM po 1 metru dužnom dnevno.
11. Za zauzimanje javne površine za postavljanje cirkuske šatre naknada se utvrđuje neposrednom pogodbom u zavisnosti od veličine površine I lokacije koju zauzima.
12. Lokacija za promociju domaće proizvodnje - besplatno u parku.

III

U cijenu naknade za korištenje javnih površina nije uračunata naknada za korištenje električne energije.

IV

Uplate se vrše od 01.08.2019. do 15.08.2019.godine.

V

Uplate za zauzimanje javne površine za jedan dan, odnosno pojedinačno po danima mogu se izvršiti tek od 15.08.2019. godine uz 50% povećanja za svaku lokaciju.

VI

Ova Odluka stupa na snagu danom objavljivanja u "Službenom glasniku Općine Breza".

VII

Sva sredstva prikupljena po osnovu uplata naknada za zauzimanje javne površine I drugih usluga uplatit će se na žiro račun Općine Breza.

VIII

Ova Odluka primjenjuje se samo za vrijeme trajanja "Bazenijade 2019".godine.

IX

Po okončanju "Bazenijade 2019" JP "Komunalno" d.o.o. Breza se obavezuje da sačini finansijski izvještaj o ostvarenim prihodima i rashodima i isti podnijeti Općinskom vijeću Općine Breza na prvoj narednoj sjednici Općinskog vijeća.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 1. alineja 18. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 19. stav 1. tačka 2. Statuta Općine Breza („Službeni glasnik Općine Breza“, broj: 8/09), Općinsko vijeće na tridesetdrugoj sjednici održanoj dana 31.07.2019. godine, d o n o s i

ODLUKU

O imenovanju Komisije za realizaciju Strateškog plana razvoja Općine Breza

Član 1.

Imenuje se Komisija za realizaciju Strateškog plana razvoja Općine Breza u sljedećem sastavu:

1. Munib A.Zaimović, predsjednik-Općinski načelnik
2. Memsud Kadrić, član, predsjedavajući Općinskog vijeća,
3. Dževahid Sokić, član, zamjenik predsjedavajućeg Općinskog vijeća,
4. Meliha Beširević, članica- pomoćnik načelnika za finansije,
5. Omer Kadrić, član-predstavnik nevladinog sektora,
6. Amina Jekalović, član-predstavnik vijeća,
7. Mirza Džambić, član-predstavnik općine,
8. Amir Kazaz, član-predstavnik udruženja privrednika,
9. Salih Hasanspahić, član-pomoćnik načelnika za privredu.

Komisija se imenuje na period od 12. mjeseci

Član 2.

Komisija iz člana 1. ove Odluke:

- Razmatra nacrt/prijedlog strategije razvoja JLS, uključujući i proces revizije strategije, i dostavlja OV mišljenje o dokumentu strategije;
- Razmatra nacrt/prijedlog drugih razvojnih dokumenata (strategija, planova, politika od značaja za razvoj JLS) i dostavlja OV mišljenje o njihovoj usklađenosti sa strategijom razvoja;
- Razmatra prijedlog plana implementacije Strategije (1+2) i dostavlja općinskom vijeću mišljenje o planu;
- Razmatra izvještaje o realizaciji strategije razvoja i drugih razvojnih dokumenata i dostavlja OV mišljenje o izvještajima;
- Može da pokrene inicijativu za izradu i revidiranje Strategije razvoja i drugih razvojnih dokumenata sa odgovarajućim planom implementacije;
- Može da pokrene inicijativu za zakazivanje tematske sjednice OV posvećene razvoju Općine.
- Vrš i druge poslove koji proizilaze iz Strategije integriranog lokalnog razvoja Općine Breza.

Član 3.

Stručno-operativne i tehničke poslove za potrebe rada Komisije obavlja Služba za privredu sa Odjelom za lokalni razvoj općine Breza.

Član 4.

Ova Odluka stupa na snagu danom donošenja i objavit će se u „Službenom glasniku Općine Breza“.

Broj: 01/1-02-1873/19
Breza, 31.07.2019. godine

PREDSJEDAVAJUĆI
Općinskog vijeća
Kadrić Memsud, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-1879/19
Breza, 31.07.2019.

Na osnovu člana 19. tačka 18. Statuta Općine Breza („Službeni glasnik Općine Breza“, broj 8/09, – Prečišćeni tekst) i člana 3. Odluke o raspisivanju Javnog oglasa za imenovanje člana Općinske izborne komisije (Sl. glasnik Općine Breza 1/19) te člana 7. tačka a) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (Sl. glasnik BIH 29/18 i 36/19), Općinsko vijeće Breza na sjednici održanoj 31.07.2019. godine, d o n o s i

R J E Š E N J E**o imenovanju Komisije za provođenje postupka po Javnom oglasu za imenovanje člana Općinske izborne komisije****I**

U komisiju za provođenje postupka po Javnom oglasu za imenovanje člana Općinske izborne komisije imenuju se:

- Jevrić (Marijana) Vesna- predsjednik komisije
- Dinar (Amira) Damir- član komisije
- Dervišević (Mustafe) Eldina- član komisije

II

Zadatak Komisije iz člana I ovog Rješenja je da sprovede proceduru shodno članu 7. tačka c) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (Sl. glasnik BIH 29/18 i 36/19)

III

Ovo rješenje stupa na snagu danom donošenja i objavit će se u „Službenom glasniku Općine Breza“.

DOSTAVLJENO:
3x Članovima komisije
1x 01/1
1x Arhiva

PREDSJEDAVAJUĆI
Općinskog vijeća
Kadrić Memsud, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-1877/19
Breza, 31.07.2019.godine

Na osnovu člana 115. Statuta Općine Breza (Službeni glasnik Općine Breza 08/09 – Prečišćeni tekst) prilikom razmatranja Informacije o sudskim postupcima o dodjeli koncesija za eksploataciju uglja na području Općine Breza, Općinsko vijeće na sjednici održanoj 31.07.2019. godine, d o n o s i:

ZAKLJUČAK

I

Prima se k znanju Informacija o sudskim postupcima o dodjeli koncesija za eksploataciju uglja na području Općine Breza

II

Daje se puna podrška Općinskom načelniku i Općinskom pravobranilaštvu da nastave aktivnosti po podnesenim tužbama koje se vode kod nadležnih sudova u skladu sa Zakonima o koncesijama

III

Da se nastave započete aktivnosti sa nadležnim organima Zeničko-dobojskog kantona po pitanju dodjele koncesija za naredni period u zakonskim okvirima

IV

Za realizaciju tačke II Zaključka zadužuje se Općinski načelnik i Općinsko pravobranilaštvo a za realizaciju tačke III zadužuje se Općinski načelnik i Služba za privredu.

V

Zaključak objaviti u „Službenom glasniku Općine Breza“.

Dostavljeno:
1x Općinski načelnik
1x Općinsko pravobranilaštvo
1x Služba za privredu
1x 01/1
1x a/a

PREDSJEDAVAJUĆI
Općinskog vijeća
Kadrić Memsud, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipality Council

Skupština preduzeća J.P. „Komunalno Breza“

Broj: 01/1-02- 1387 /19
Breza, 16.07.2019. godine

Na osnovu člana 234. stav 1. tačka k. i člana 303. stav 1. Zakona o privrednim društvima ("Službene novine Federacije BiH", broj:81/15), a u vezi sa članom 51. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08, 22/09 i 109/12) člana 24. stav (1) tačka k. i člana 29. Stav (1) Statuta Javnog preduzeća „Komunalno“ d.o.o. Breza, broj:1157-07-05-33-2./18 od 07.05.2018.godine, Skupština Javnog preduzeća „Komunalno“ d.o.o. Breza, na sjednici održanoj dana 15.07.2019.godine, d o n o s i

ODLUKU

o imenovanju vršioca dužnosti člana Nadzornog odbora
Javnog preduzeća „Komunalno“ d.o.o. Breza

I

Za vršioca dužnosti člana Nadzornog odbora JP „Komunalno“ Breza na kraći vremenski period imenuje se Čosić /Salko/ Edin.

II

Član Nadzornog odbora JP „Komunalno“ Breza iz člana I. ove Odluke, imenuje se do okončanja konkursne procedure, a najduže na period do 3 (tri) mjeseca.

III

Odluka stupa na snagu danom donošenja i objavit će se u „Službenom glasniku Općine Breza“.

IV

Protiv ove Odluku nije dozvoljena žalba, već se može pokrenuti postupak pred nadležnim sudom.

Dostavljeno:

1. Čosić Edin
2. J.P. „Komunalno“ d.o.o Breza
3. Općinski načelnik
- ④ Službeni glasnik Općine Breza
5. Evidencija
6. a/a

Ovlašteni punomoćnik Osnivača



Mamela Tarik

Bosna i Hercegovina
 Federacija Bosne i Hercegovine
 Zeničko-Dobojski Kanton
 OPĆINA BREZA
Općinsko vijeće

Bosna i Hercegovina
 Federacija Bosne i Hercegovine
 Zeničko-Dobojski Kanton
OPĆINA BREZA
 Općinsko vijeće



Bosnia and Herzegovina
 Federation of Bosnia and Herzegovina
 Zenica-Doboj Canton
MUNICIPALITY OF BREZA
 Municipality Council

Skupština preduzeća J.P. „Komunalno Breza“

Broj: 01/1-02- 11388 /19
 Breza, 16.07.2019. godine

Na osnovu člana 234. stav 1. tačka k., člana 247. stav (5) tačka a) i člana 303. stav 1. Zakona o privrednim društvima ("Službene novine Federacije BiH", broj:81/15), a u vezi sa članom 51. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08, 22/09 i 109/12) i člana 24. stav (1) tačka k. Statuta Javnog preduzeća „Komunalno“ d.o.o. Breza, broj:1157-07-05-33-2./18 od 07.05.2018.godine, Skupština Javnog preduzeća „Komunalno“ d.o.o. Breza, na sjednici održanoj dana 15.07.2019.godine, d o n o s i

ODLUKU

o razrješenju člana Nadzornog odbora
 Javnog preduzeća „Komunalno“ d.o.o. Breza

I

Razrješava se dužnosti člana Nadzornog odbora JP „Komunalno“ d.o.o Breza Likić /Emsudin/ Ermin prije isteka mandata, zbog gubitka povjerenja Skupštine Preduzeća.

II

Odluka stupa na snagu danom donošenja i objavit će se u „Službenom glasniku Općine Breza“.

III

Protiv ove Odluku nije dozvoljena žalba, već se može pokrenuti postupak pred nadležnim sudom.

Dostavljeno:

1. Likić Ermin
2. J.P. „Komunalno“ d.o.o Breza
3. Općinski načelnik
- ④ Službeni glasnik Općine Breza
5. Evidencija
6. a/a

Ovlašteni punomoćnik Osnivača


 Mamela Tarik



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipality Council

Skupština preduzeća J.P. „Komunalno Breza“

Broj: 01/1-02- 1789 /19
Breza, 16.07.2019. godine

Na osnovu člana 28. Statuta Javnog preduzeća „Komunalno“ d.o.o. Breza, broj:1157-07-05-33-2./18 od 07.05.2018.godine, Skupština Javnog preduzeća „Komunalno“ d.o.o. Breza, na sjednici održanoj dana 15.07.2019.godine, d o n o s i

ODLUKU

o raspisivanju javnog konkursa za izbor i imenovanje
člana Nadzornog odbora Javnog preduzeća „Komunalno“ d.o.o Breza

Član 1.

Ovom Odlukom pokreće se procedura raspisivanja Javnog konkursa za izbor i imenovanje člana Nadzornog odbora Javnog preduzeća „Komunalno“ d.o.o. Breza-1(jedan) izvršilac, na period do isteka mandata članova Nadzornog odbora preciziran Rješenjem o konačnom imenovanju članova Nadzornog odbora Javnog preduzeća „Komunalno“ d.o.o. Breza, broj:02/1-05-781/17 od 27.03.2017.godine.

Član 2.

Javni konkurs iz člana 1.ove Odluke objavit će se,Službenim novinama Federacije BiH“ i u jednom dnevnom listu dostupnom široj javnosti.

Član 3.

Za realizaciju ove Odluke Skupština Preduzeća će donijeti Odluku o imenovanju Konkursne komisije, kojom će se regulisati sastav, nadležnost i način rada.

Član 4.

Odluka stupa na snagu danom donošenja i objavit će se u „Službenom glasniku Općine Breza“.

Dostavljeno:

1. J.P. „Komunalno“ d.o.o Breza
2. Općinski načelnik
3. Službeni glasnik Općine Breza
- 4.Ovlašteni punomoćnik
5. Evidencija
6. a/a

Ovlašteni punomoćnik Osnivača


Mamela Tarik

S A D R Ź A J

189. Odluka o uvjetima, načinu i postupku prodaje neizgrađenog građevinskog zemljišta u vlasništvu Općine Breza, putem javnog nadmetanja - licitacija, radi izgradnje poslovnog objekta (lokacija Potkraj)
191. Odluka o raspisivanju ponovnog Javnog oglasa za imenovanje člana Općinske izborne komisije Breza
192. JAVNI OGLAS za imenovanje člana Općinske izborne komisije Breza
195. Odluka o naknadama za zauzimanje javne površine u toku trajanja privredne i kulturno- sportske manifestacije – „Bazenijada 2019“
197. Odluka o imenovanju komisije za realizaciju strateškog plana razvoja Općine Breza
198. Rješenje o imenovanju Komisije za provođenje postupka po Javnom oglasu za imenovanje člana Općinske izborne komisije
199. Zaključak po pitanju koncesija
200. Odluka o imenovanju vršioca dužnosti člana Nadzornog odbora Javnog preduzeća „Komunalno“ d.o.o Breza
201. Odluka o razrješenju člana Nadzornog odbora Javnog preduzeća „Komunalno“ d.o.o Breza
202. Odluka o raspisivanju Javnog konkursa za izbor i imenovanje člana Nadzornog odbora Javnog preduzeća „Komunalno“ d.o.o Breza



Izdavač: Općina Breza, Stručna Služba Općinskog vijeća, Ulica Bogumilska br.1. telefon: 786-029, fax: 786-031.